

Chuailo

Forthnightly Newsletter



for private circulation only

Vol. No. X Issue No. 10

KOLKATA MIZO STUDENTS

10th Nov., 2013 (Sunday)

KMS IN CHAWIMAWI

Kolkata Mizo Students' chuan a vawikhatna atan KMS member-te zinga exam ti tha te hnenah chawimawina'n Mizoram chanchinbuah chhuah a ni.

KMS member kan chawimawite hi:

1. Vanlallawmkimi, Sihphir, 1st Div. C.U.
2. C. Lalromawii, Laipuitlang; ICSE (88%)
3. Vanlalthriati, Ramhlun 'N'; ICSE (87%)
4. Lallawmchhungi, Mission Vengthlang; ICSE (84%)
5. Lalhmingliani, Electric Veng; ISC (80%)

10-ah VVPAT hman a ni dawn

ZORAM KALSIAM MLA ELECTION 2013 THILHNA MPOC PARTY IN ENGE AN SAWI?

KOLKATA MIZO STUDENTS' CHAWIMAWINA

Tualchhung...

Kan member, Puja chawlh hmanga mahni khaw lama haw te pawh kan lo thleng khawm leh tan mek a. Mahni khawlama kan pilbo vang vang hnuah helai hmuna him taka inhmukhawm leh thei tura min hruai thleng tu Pathian hnenah lawmthu awm mawlh rawh se.

Khaw lum uap churh thin khan zahngaiin, boruak pawh a ziaawm chho tan zel a. Thul mawnga kan dah that kan thawmhnaw lum pawh kan hai chhuak leh tan mek zel a...

Boruak a nuam tanin, zirlai tan pawh lehkha zir a nuam chho tan hle a. Zirlai te pawhin kan hun tawn mek hi a hlut zia hriain, lekhazirna lam i ngai pawimawh zual deuh deuh ila, kan awm chhan i hre reng ang u.

Thla tawp maiah hian Xavier's lama kan member te pawhin exam an nei leh dawn a. Tha taka an exam theihna'n duhsakna kan hlan e.

Chuailo Annual Magazine buaipuitu te lam pawh an tang hle a, kan article ziah leh thlalak kan vawmkhawm te kha siam thain, zanrei tak tak thleng hun an hmang thin a ni. Tun atanga reiloteah hian i chhiar turin an rawn chhawpchhuak dawn e.

CMCS Thalai lam pawh Praise Gathering an neihna turah inbuatsaihna ngawrh takin an kalpui chho mek zel a, tuang taka an tih theihna'n duhsakna kan hlan e...

TUMA'N AN HMUH LOH LAI CHE KHAN I MIZE DIKTAKA LANGCHHUAK THIN

Heng kan member, an zirlaite tha taka zotute hi KMS chuan kan chhuangin, kan lawmpui tak meuh a. An kal lehzelna turah duhsakna kan hlan tak zet a ni.

CMCS Thalai:

10th November, 2013
 Hruaitu: Robert Lalthlamuana
 Tantu: Dennis V.L. Rinchhana
 Bible Chang Sawi Hruaitu
 Lalpianpuii Chawngthu
 Programme : Thusawi
 Sawitu : Zuliasa Hlychho



Lawmpuina

Pu Lalzuiliana Sailo, Ballygunge Mizoram House chuan Falkland veng Branch YMA OB kum sawm chhung a zawna a chelh avangin CYMA chuan Chawimawina a hlan a. KMS chuan hetiang mi kan nei hi kan chhuangin, kan lawmpui tak zet a ni.

KEIMAHNI

KMS Annual Fund kan khawn lai a pe remchang lo te kan la awm a. Annual Fund hi KMS Treasurer NI. Vanlalpeki Ralte (+919163138208) leh Financial Secretary Tv. B. Lalramngakka (+919903477261) hnenah engtiklai pawhin a pek theih reng e.

KMS inrelbawlna atan KMS Annual Fund hi a pawimawh hle a. Chuvangin Annual Fund Rs. 100/- hi KMS member ten i pe hram hram ang u. **KMS hi i ta a ni.**

CHUAILO

Estd. May, 2004

Editor : ahooma
 Joint Editors : VT.Lawmsanga
 : Lalruatkima
 : Vanlalpeki Ralte
 Patron : Alex Rosangluaia



Enkawltu Kamliam **Ngaih pawimawh zawng**

Hman deuh ah tawh khan tuna kan secretary hian, “tun tum chuailo editorial chu a thahle mai,” a ti teh nawlh a! Ka hnathawhnaa kan pu ber hian vawi hnih khat chu kan editorial avang hian min fak der ve tawh a; a lawmawmin, laih a awl duh reuh fu. Vawi khat chu kan Joint Editor pakhat VT.Lawmsanga’n editorial a ziah tum hian nula pakhatin editorial chu a rawn fak luam tawh bawk.

Hetiang ka’n ziah deuh duah nachhan chu ‘Chuailo’ kan chhiar hian a khawilai hi nge kan chhiar hmasak ber a, kan ngaih pawimawh ber? Kan nunah hian e’nge kan ngaih pawimawh ber a, kan dah hmasak ber thin, tih mahni kan lo inzawh theih na’n eng eng emaw ka’n sawi kual vel duh vang a ni.

Chuailo chhiartu tam zawk hi chuan kan chhiar hmasak ber chu ‘ULHBUN’ tih vel a ni maithei. Tamtak chuan, ‘Ulhbun bak ka chhiar peih lo,” te an ti nia! Chuailo kan chhuah atanga feedback kan dawn hnem ber pawh, “ngati nge min kah a, khami kha tu nen nge in chhah?” tih vel a ni. Uluk taka kan khawnkhawm ve chanchinthar leh mahni phak tawh leh thiam tawka kan tana tangkai tur nia kan hriat editorial kan ziah chhuah ve te chu kan keu liam vel mai mai a. Editorial uluk taka lo chhiar thlap thlap tute chu a mamawh lo lo an ni a, a mamawhtu tak takte chuan chhiar enah kan en lo reng reng a nih hi.

Chuailo chhiar hi chu entirna mai a ni a, chuailo editorial chhiar leh chhiar loh hi puitlin leh puitlin loh tehna atan chuan a tlak hauh loh ang; Mahse kan thil tihna kawng hrang hrangah hian keimahni(Mizo) ziaa awm, tih VE duh, tih TAK TAK peih si lo, a chhehvela tei ral zia hi a lo lang chhuak thin a ni.

Zirlai nih a, college kal ve ngei chu kan duh a lawm; mahse a ZIR lai tak hi kan ngai pawimawh leh si thin lo.

Kan Pathian biak dante pawh hi sawi ve hial teh ang, Pathian biakna atana pawimawh ber thinlung lam tilthianghlim hi ngaih pawimawh hmasak ber tur ni awm taka a lan lai hian keini chuan biakin lian leh tha deuh deuh, veng dang biakin aia lian neihte kan ngai pawimawh hmasa a, sound system tha tak a awm loh chuan Pathian fak har kan ti tlat. Aphawvuak ni loin a laimu, a TAK TAK ngai pawimawhtu nih i tum theuh ang u.

Zirna Huang...

Conditions Apply..?

Conditions Apply hi kan hmu theuh tawhin a rinawm.a. A awmzia tlangpui tarlan han tum teh ang.

T.V, Newspaper, Signboard, etc. velah company lamin an thil siam(an zawrh) chu man tlawm deuhin emaw mipuite hip theihna’n mawi takin an tilang thin a; chu’ng an thil zawrh te chu a leitu te hnenah an sawi ang loa an leitir theihna’n an hmanglar thin a. A awmzia berah chuan, ‘ Heng kan thil zawrh te hi bum na’n che u/ a dik zik tluak lo e..’ an tihna a ni ber!

Conditions Apply hi ngaihtuah/ en loh chuan hmuh/ hriat mai a harsa thin. Chuvangin, company lam chuan a hnuailam kil emaw, a lan chian theih lohna, hmuh mai mai harsat na lai turah company lam hian an ziaak tlangpui thin. A hnuai a entirna ang hian

**BUY 1 SOAP
AND GET
ONE SHAMPOO**



CONDITIONS APPLY

Engnge ‘Conditions’ awmzia chu?

A chung a entirna atang khian en ta ila “He sahbawn a shampoo chhawm hi a chuang (stock) a zawh hma chuan kan phal ang khian in lei thei e.” tihna a ni ber awm e.

Heng lo pawh hi entirna tam tak a awm thei awm e. Company lamin min bum na’n kan tih rualin, a leitu(Customer) te min hrilh lawk tihna a ni bawk a ni.

Thil kan lei reng reng kan lei dawnin a lan dan, hmuh dan ringawt avang khan bawh zui nghal ringawt suh, hrethiam rawh..! **I fin tawh hi...**

article

Kan khuaah Hockey

-Lalruatkima

Heng mite hi khawi atanga lo kal nge? Kan khuaah hockey khel turin an lo kalkhawm a lawm! Ni e, kan khuaah 'Istiri Kap' a awm dawn!

An inkhel dawn ta!

Mikhual team tha pawl leh kan khaw team an inkhel dawn a. Kan khaw teamah khan Pu Liana khan sawrkar tiangkawm a neih kha a chhuang a ni tih hriat tak leh intithei fe hian a rawn chhuahpui a. Mikhual team tantute lamin an han hmu ta ngei a le; amah a thiam hmel bawka an huphurh ru nghal hle a.

A hnu deuhah chuan kan khaw team lam chu field chhungah an tiangkawm 'mautam lo ram' a mau tha chi bul uluk taka suih tih hriat tak mai nen chuan an rawn lut ta phak phak a. An jersy erawh mahni remchan ang ang a ni thung. Mahni khuaa khel anni bawka a tantu thawm pawh bengngawngte hriat khawpin a ring a, mual a kur lo chauh a ni ber mai.

Mikhual team erawh an la rawn lang lova, an tlawm mai a nih ka ring hman a. A hnuah chuan mikhual team lam chu an tiangkawm nen an rawn lut ve leh a. Away team an ni bawka, kawr an rawn phelthung a. Mikhual team lam tan tute pawh an thawm a ri ve ta! Chhei raw! An inkhel dawn e...

An thai tep tihah buaina a awm tlat mai le. Kan khaw team chuan mikhual team ho tiangkawm an han enchiang a, kan khaw team chuan mau bul an rawn hmang a, mikhual team chuan râw bul chhah telh tawlh, hlai tak tak an rawn hmang tlat mai le! Engtin nge ni zel dawn le?

Mikhual team kha an phakar ti ngawt dawn ila, a tiangkawm awmdan turah dan an siam bawka si lo. Tihngaihna a vang ang reng fu mai! Chutah Pu Vala ngaihnan a ni ta lo! A tlanhhuak a, field sira a chempui dah chu a la lawk a. Mikhual team tiangkawm chu "a theih loh..a theihloh" tih pahin a duhna lai laiah a hlawi sak ta pawp pawp mai a. Tumahin sawisel ngam hek lo, tiangkawm hman tlak a lawi an nei ta lo a. An chak loh pah hial ta a.

Tactic chi hrang hrangte kha!

Kha Istiri Kap ah khan tactic chi hrang hrang hmu chhuah thar a va tam tak em! Khatiang tactic kha professional tak tak pawhin an la hmang kher lo ang a, a entu mipui pawhin tih ve nachang an hre kher lo ang! Kan khaw team motto chu 'MAWIDEUHA CHAKLOH AI CHUAN MAWI VAKLO CHAKA THA ZAWK!' tih a ni a.

Kan khaw field a phut zia kan hriat tawh kha. Kha field phut kha Pu Vala tan khan a va pawimawh em! A ball

A ball chan apiang khan a han chawk khu vak a, ball kha a ak ta daih a, ball awmna midangin hre tawh hek lo, an uichuang hawi mai mai lai khan Pu Vala chuan lehlam pawl line chhungah a lut a, a chawk khu leh vak a, a vaw goal ta mai thin a. Refree tan goal loa pawm chi ni hek lo, mawi vak loin kan khua kha an chak leh nge nge thin.

Pu Kapa, tlanhchak leh thahrui ngah tactic kha lehlam pawl khan an hah pui thin mang e. Ball a chang a, field a chawk khu vak a, a tlan ta vak a. Leh lamin an um luih luih a, thui fe a tlanpui hnuah a ding a "saw laia saw ball a awm" tih pahin a tlanlet pui leh thin!

The Greatest Show on Kan khua!

Istiri Kap final chu kan khua leh khaw thenawm chiahin an khel dawn a. Entu mipui pawh kan thahnem hle mai. Putarhoin hngah hlai tur nen an han inchhawp rup maite, pitar la her turte nen an han ni nuk mai kha chu 'THE GREATEST SHOW ON KAN KHUA' tih loh chi a ni nang!

Chutah player te field chhungah an han lut a. An han thai ta.. thawm a tha ham ham khawp mai. An tang dun ve ve bawka, an inchuh tak tak mai chu a khu lutuk kha an inchuh ber ball a awm tawh loh pawhin an la thai khu chum chum zel!

Goal inpe loin a innawr tawn zak zak a. Hun a tawp tep tihah chuan Pu Chhawna te thian pali chuan ro eng emaw relin a ding khawm ta thap mai. Eng tak rel ang maw?

Chutah le, Pu Hnehzela chuan ball a chang a. A khalh pheih ta.. khalh tlang a tum em ni? Aw, Pu Chhawna a pass ta! Pu Chhawna kuan engtin nge a tih dawn? Rinkual chhunga Pu Ruanga chu a han pass a, a vuak dawn veleh chuan goalie bula awm Pu Ngena chuan goalie ngal chu a lo hem pawp mai a! A tlu vial nghal tawp a. Refree in hmu thei hek lo; Pu Ruma ball vuak man tu tur ber lah a lo vial tawp tawp tawh si... a vaw goal ta! Hun a tawp zui nghal a. Thawm a va tha ham ham em!

Tichuan Istiri Kap ah chuan kan khua chu **MAWI VAK LOVA CHAKIN** Istiri chu kan hawn thei ta a!



ESPN

Asia khawmualpui ah ESPN Channel bik hi a awm tawh dawn lo a, ESPN STARSPORT(Asia) chu FOX SPORT in a thlak tawh ang. Tin, keini India ramah pawh ESPN awm tawh loin STAR SPORT Channel in ro a rel dawn a ni!

CRICKET

India Batsman khel tha thei tak Virat Kohli 24, chu ICC ODI Ranking thar ber Dubai hmuna an puan ah Number one thar niin bowling lamah pawh Pakistan spinner Saed Ajmal pawhin Ravindra Jadeja leh Sunil Narine te rawn zuan khumin number one a rawn hauh ve bawk.

Tennis

Rafael Nadal chuan London-a ATP World Tour Finals ah Stanislas Wawrinka a hneh avangin kuminah World number one a ni tlang dawn ta a ni.

Kum 27-a upa Rafael Nadal hian Stanislas Wawrinka lakah hian 7-6 (7-5) 7-6 (8-6) in hnehna a chang a, a hmian David Ferrer a lo hneh tawh a, world number one ni tlang tura a mamawh tum hnih chak chu a hlen ta a ni. Tun hi Nadal-a`n kumtawpa ranking-a number one a nih tum thumna a ni.

UEFA Champions League

CHAMPIONS LEAGUE CLUB a team chi hrang hrang te kum chawhrualin Belgium Club Anderlecht ho chu an naupang ber a, an team pumpui kum chawhrualin Kum 22.7 an ni. Team zinga Kum chawhruala upa ber chu Italy club hlun Juventus niin, Player kum chawhrualin Kum 28.6 an ni.

Football

TOP 10 RICHEST OWNERS OF FOOTBALL CLUBS:

- 10 Roman Abramovic (Chelsea, England) \$10.2 bn.
- 9 John Fredricksen (Velerenga, Norway) \$11.5 bn.
- 8 Paul Allen (Seattle Sounders, US) \$15.0 bn.
- 7 Francois Pinault (Stade Rennes, France) \$15.0 bn.
- 6 Rinalt Akhmetov(Shaktar Donetsk,Ukraine)\$15.4bn.
- 5 Lakshmi Mittal (QPR, England) \$16.5 bn.
- 4 Alisher Usmanov (Arsenal, England) \$17.6 bn.
- 3 George Soros (Manchester Utd, England) \$19.2 bn.
- 2 Amancio Ortega (DeportivoLaCoruna, Spain) \$57bn.
- 1 Carlos Slim (Club Pachuca, Mexico, Club Leon, Mexico, Real Oviedo, Spain) \$73.0 billions.

Sheikh Mansour,Manchester City neitu leh Nasser Al-Khelaifi, Paris St.German neitu te an telh ve loh nachan chu an sum neih hi an mimal ta niloin an chungkaw sum a nih vangin tarlan tel loh a ni e.

Kolkata zaimi insuihkhawm pawlah hian ka rawn in sign in ve tawp dawn a sin.

-Lalrinawmi

#Seoul a piang tur kha Mizoramah ka lo piang daih a lawm le...

-Hmingthup

Beach kam velah kekawr ka va thlep ve a nih kha.

- Zothanmawia Pa, Hi-flight

Fb Profile pic tur ka edit sak thei reng e; nula, ngaihzaung nei lo duhsak bik an ni ang.

-Valpix

^---Kan chungkua paw`n kan chhawr tangkai tops, edit tir ve r`u.

-Temami

Mr.President a awm loh chuan Chuailo chhu tura kal hma vak pawh a ngai lo e.

-Ed board

Vawiin chu dawt sawi leh teuh ila ni mai

-Zuliasa Hlychho

Camera 360 hi a awm lo ang tih ka va hlau tak em..

-Jenifer, Zaimi

Hmanni Ulhbuna min lo kaptu kha RTI Act hmangin ka zawng chhuak dawn.

- Ruatsangi**FIAMTHUS**

* Pa pakhat ramvak pawh hi luite ah sakhi nen an intawk a, silai chuh hman tawh hek lo, sakhi chu a pawmbet ta ringawt a. Chawhma zet a pawmbeh hnu chuan a ban a kham ta lutuk a, a thlah ta ringawt a, "chawhma zet han inpawm hnua han inthlah leh meuh chuan lung a leng ve rum rum mai," te a ti vel.

* Zote South pa pakhat pawh a naupan lain an inkhawmnaah a muthlu a, inkhawm banah pawh a la muthlu tlang zel a, tuma`n hmu hek lo zan laiah chawkidar-in mitthi dar a rawn vua a, a muthlu a harh thut a, biakin a lo thim vek tawh si, a hlau lutuk chu a tlanhhuak nghal a, chutia a rawn tlanhhuak chawkidar-in a lo hmuh chuan a hlau lutuk a, mitthi dar pawh a vaw tlir zawt zawt, hmm
* Tlangval pakhat hian a zinnaah an thlenin nula mitmei hmuin zanah zen a tum a. Mut reh hnuah chuan zawitein, 'ehem' a han ti a, nula pawh chuan zawitein 'ehem' a rawn ti ve a, phur lutukin a inbeng kang a, 'ehem' a han ti leh a, chutah room lehlam atangin an pa berin pawr tawkin 'EHEMM' a rawn ti per chhuaih. An tawng miah lo na a, an inhrethiam tlang hle.